

ხელშეკრულება № 01 / 14 /

სახელმწიფო შესყიდვის შესახებ
(ელექტრონული ტენდერი SPA-----)

თბილისი

, 2019 წ.

სსიპ საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი შესყიდვების სამსახურის უფროსის, ვახტანგ შავგულიძის სახით და ----- „-----“, შემდგომში წოდებული „მიმწოდებლად“, წარმოდგენილი -----ის, ----- სახით, ორივე ერთად წოდებული როგორც „მხარეები“, ვხელმძღვანელობთ რა საქართველოს მოქმედი კანონმდებლობით, „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც გასწევს მომსახურებას ამ ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული მომსახურება.

1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1 ხელშეკრულების საგანია შემსყიდველი ორგანიზაციის ბალანსზე რიცხული ავტომობილების რეცხვისა და ქიმწმენდის მომსახურების (CPVკოდი - 50112300) შესყიდვა.

2.2 ავტომობილების ტიპები, რომლებზეც განხორციელდება, წინამდებარე ხელშეკრულების ფარგლებში, რეცხვისა და ქიმწმენდის მომსახურებები განისაზღვრება მომსახურების პრეისკურანტით (დანართი №1).

3. ხელშეკრულების ღირებულება

3.1 პრეისკურანტის ჯამური ღირებულება შეადგენს --- (-----) ლარს, ხოლო ხელშეკრულების ღირებულება შეადგენს ----- (-----) ლარს. ერთეულის ღირებულებები, რომლებიც მოცემულია პრეისკურანტში (დანართი №1), მოიცავს შესაბამისი ტიპის ავტომობილების სრულფასოვნად გარეცხვა-დასუფთავებისთვის და ქიმწმენდისთვის საჭირო ყველა ხარჯს.

3.2 ხელშეკრულების ღირებულება მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ ყველა გადასახადს.

4. მხარეთა ვალდებულებები

4.1. მიმწოდებელი ვალდებულია:

ა) ხელშეკრულების ძალაში შესვლიდან 2019 წლის 31 დეკემბრის ჩათვლით პერიოდის განმავლობაში, შემსყიდველის მოთხოვნის შესაბამისად, ხელშეკრულების ღირებულების ფარგლებში, თბილისში, ----- მდებარე ავტოსამრეცხაოში, მოახდინოს ავტომობილების (გარეგანი, სალონის, ძარის, საბარგულის, საბურავების) სრულფასოვანი რეცხვა-დასუფთავება ან/და ქიმწმენდა (სალონის, ინტერიერის, სავარძლების, ჭერის, იატაკის, ფეხსაგების, საბარგულის);

ბ) ხელშეკრულების 4.1 პუნქტის ა) ქვეპუნქტით ნაკისრი ვალდებულების ფარგლებში, შემსყიდველის ყოველი მოთხოვნის შემთხვევაში, უზრუნველყოს ავტომობილის სრულფასოვანი გარეცხვა-დასუფთავება

შემსყიდველის მიერ ავტომობილის ავტოსამრეცხაოში მიყვანიდან 1 საათის (60 წუთი) განმავლობაში, ხოლო ავტომობილის ქიმწმენდა განახორციელოს ავტომობილის ავტოსამრეცხაოში მიყვანიდან 24 საათში; ამასთან, შემსყიდველი ავტომობილის გარეცხვის/ქიმწმენის თაობაზე ატყობინებს მიმწოდებელს ნახევარი საათით ადრე. შეტყობინებად ითვლება მიმწოდებლის ტელეფონის ნომერზე (-----) ან ელ. ფოსტაზე (-----) მისული შეტყობინება;

გ) საკონტაქტო ტელეფონის ნომრის ან ელ. ფოსტის შეცვლა დაუყოვნებლივ აცნობოს შემსყიდველს. წინააღმდეგ შემთხვევაში, ფიქსირებულ ტელეფონის ნომერზე ან ელ. ფოსტაზე შემსყიდველის მიერ გაგზავნილი შეტყობინება ჩაითვლება მიღებულად;

დ) შემსყიდველის ან მისი უფლებამოსილი პირის მიმართვიდან 2 სამუშაო დღის ვადაში დაამზადოს და გადასცეს შემსყიდველს მოთხოვნის შესაბამისი ტალონების რაოდენობა. თითოეული ტალონი უნდა დამოწმებული იყოს მიმწოდებლის ბეჭდით;

ე) მომსახურების გაწევის დროს მისი ბრალეულობით წარმოქმნილი ავტომობილის გარეგანი/შიდა დაზიანება გონივრულ ვადაში, მაგრამ არაუგვიანეს 10 სამუშაო დღისა, აღმოფხვრას საკუთარი სახსრებით, შემსყიდველის მხრიდან რაიმე დამატებითი საფასურის გადახდის გარეშე;

ვ) ავტომობილის რეცხვა განახორციელოს ხელით, სპეციალური მოწყობილობების, ინვენტარისა და მაღალი ხარისხის სარეცხი საშუალებების გამოყენებით; ქიმწმენდა განახორციელოს ამისთვის საჭირო მაღალი ხარისხის საშუალებებით მოქმედი სტანდარტების შესაბამისად;

ზ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზების გამოსწორება;

თ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ინსპექტირების განხორციელება;

ბ) ავტომობილის სამრეცხაოში მიყვანამდე ნახევარი საათით ადრე შეატყობინოს მიმწოდებელს გარეცხვის მოთხოვნის შესახებ;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ინსპექტირება

5.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

5.2 ინსპექტირებას განახორციელებს სსიპ საჯარო რეესტრის ეროვნული სააგენტოს სამეურნეო სამსახურის მთავარი სპეციალისტი – -----, ხოლო მისი არყოფნის შემთხვევაში, ამავე სამსახურის სხვა თანამშრომელი.

5.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

5.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია მოახდინოს ხარისხის კონტროლი და თუ გაჩეულ მომსახურებას აღმოაჩნდა ხარვეზები, მიმწოდებელი ვალდებულია დაუყოვნებლივ უზრუნველყოს ხარვეზების აღმოფხვრა საკუთარი ხარჯებით, შემსყიდველის მხრიდან რაიმე დამატებითი ხარჯის გაწევის გარეშე.

6. საქონლის მიღება-ჩაბარების წესი

მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის დადებითი დასკვნის საფუძველზე.

7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;

გ) დაფინანსების წყარო: ----- ლარი დაფინანსდება სსიპ საჯარო რეესტრის ეროვნული სააგენტოს 2019 წლის საკუთარი შემოსავლებით, ხოლო ----- ლარი დაფინანსდება მსოფლიოს ბანკის კრედიტით.

7.2. შემსყიდველი იღებს ვალდებულებას გადაუხადოს მიმწოდებელს ყოველი გაწეული მომსახურების ღირებულება საგადასახადო ანგარიშ-ფაქტურის წარმოდგენის შემდეგ (თუ მიმწოდებელი დღგ-ს გადამხდელია), მხარეთა მიერ გაფორმებული შესაბამისი მიღება-ჩაბარების აქტის საფუძველზე, მიღება-ჩაბარების აქტის გაფორმებიდან 10 სამუშაო დღეში, მაგრამ არაუგვიანეს 2019 წლის 31 დეკემბრისა.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

9.1 წინამდებარე ხელშეკრულების 4.1 პუნქტის „ბ“ ქვეპუნქტით განსაზღვრული მომსახურების გაწევის ვადის გადაცილების შემთხვევაში, თუ შემსყიდველი თავის მხრივ არ არღვევს მომსახურების გაწევის მოთხოვნის შეტყობინების ვადას, ყოველ გადაცილებულ საათზე მიმწოდებელს ეკისრება პირგასამტეხლო 5 (ხუთი) ლარის ოდენობით;

9.2 წინამდებარე ხელშეკრულების 4.1 პუნქტის დ) და ე) ქვეპუნქტებით გათვალისწინებული ვალდებულებების შესრულების ვადების გადაცილების შემთხვევაში, ყოველ ვადაგადაცილებულ დღეზე მიმწოდებელს ეკისრება პირგასამტეხლო ხელშეკრულების ღირებულების 0.1 პროცენტის ოდენობით.

9.3 წინამდებარე ხელშეკრულების 7.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.1 პროცენტის ოდენობით.

9.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

9.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

11.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

12. ხელშეკრულების შეწყვეტა

12.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს არც ერთ მხარეს დანარჩენი ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. ხელშეკრულების მოქმედების ვადა

წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2020 წლის 31 იანვრის ჩათვლით.

14. ფორს-მაჟორი

14.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

14.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

ხელშეკრულება შედგენილია სამ, თანაბარი იურიდიული ძალის მქონე, ეგზემპლარად, ქართულ ენაზე, აქედან მიმწოდებელს გადაეცემა ერთი, ხოლო შემსყიდველს – ორი ეგზემპლარი.

16. მხარეთა რეკვიზიტები:

შემსყიდველი

სსიპ საჯარო რეესტრის ეროვნული სააგენტო,

წარმოდგენილი შესყიდვების სამსახურის უფროსის
ვახტანგ შავფგულიძის სახით,

მისამართი: თბილისი, სანაპიროს №2

ტელეფონი: 291-05-17,

საბანკო რეკვიზიტები: ანგ: ხაზინის ერთიანი ანგარიში,
GE24NB0330100200165022

ბანკის კოდი: TRESGE22; სახაზინო კოდი: 707427078

ს/კ – 202238621

მიმწოდებელი

-----“

წარმოდგენილი დირექტორის -----ის სახით
მისამართი:

ტელეფონი:

საბანკო რეკვიზიტები:

სს „-----“, კოდი: -----

ს/კ -----